



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-23146-58/19 RA
Sarajevo, 25.07.2019. godine

SKUPŠTINA KANTONA SARAJEVO
- o v d j e -
n/r Elmedin Konaković, predsjedavajući

PREDMET: Dostava odgovora na zastupničko pitanje – zastupnik Zvonko Marić

Zastupnik u Skupštini Kantona Sarajevo, Zvonko Marić, na Devetoj Radnoj sjednici Skupštine Kantona Sarajevo, održanoj dana 19.06.2019. godine, u okviru tačke Dnevnog reda "poslanička/zastupnička pitanja, inicijative i odgovori", postavio je zastupničko pitanje, kako slijedi:

"Upućujem pitanje Ministarstvu prostornog uređenja, građenja i zaštite okoliša KS, te pitam zašto nije do današnjeg dana počeo sa radom Kantonalni fond za zaštitu okoliša KS? Koliko sredstava je do sada Federalni fond za zaštitu okoliša /FFZO/ transferisao Kantonu Sarajevo. Da li aplikanti na javni poziv za dodjelu grant bespovratnih sredstava kojima ne budu odobrena sredstva dobijaju pisane obavijesti sa poukom o pravnom lijeku (prigovor, žalba) te koji organ ili tijelo usvaja izvještaj o izvršenoj podjeli grant sredstava.

O B R A Z L O Ž E N J E :

Kako je meni poznato SKS je 2008. godine donijela zakon o formiranju Fonda za zaštitu okoliša, ali on nikada nije otpočeo sa radom. Barem u zakonskim okvirima. Poznata je činjenica da Federalni fond za zaštitu okoliša treba da transferira 70% prikupljenih sredstava sa jednog kantona prema Kantonalnom fondu, a do formiranja kantonima, a što je slučaj sa KS. Ministarstvo u praksi dodjeljuje grant bespovratna sredstva putem javnog poziva, a prema mojim saznanjima odbijeni aplikanti ne dobijaju pisane obavijesti sa mogućnošću ulaganja prigovora ili žalbe.

Isto tako želio bih odgovor na pitanje koji organ ili tijelo usvaja raspodjelu ovih milionskih sredstava, kao i podatak koliko je do sada Federalni fond za zaštitu okoliša transferirao sredstava dikretno KS, i zašto se izbjegavalo sa dostavljanjem izvještaja o utrošku ovih sredstava Federalnom fondu."

ODGOVOR:

Zakon o Fondu za zaštitu okoliša Federacije Bosne i Hercegovine donesen je 2003. godine ("Službene novine FBiH", broj 33/03), a članom 25. istog propisano je, da se sredstva prikupljena u Fondu raspoređuju između Federacije i kantona u odnosu 30% prema 70% (Federacija 30% - Kanton 70%), te da se ista uplaćuju u Budžet Kantona odmah po dospijeću u Fond. Ovakvom raspodjelom prikupljena sredstva vraćaju se kantonima za rješavanje njihovih okolišnih problema, srazmjerno učešću u prihodima Fonda.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



Kanton Sarajevo je 2008. godine donio Zakon o Fondu za zaštitu okoliša Kantona Sarajevo ("Službene novine Kantona Sarajevo", broj 41/08). Zakonom je definisano, da će se na osnovu istog izvršiti upis kantonalnog Fonda u sudski registar, čime bi zvanično otpočeo njegov rad i funkcionisanje.

Međutim, ono što je bitno napomenuti jest, da je Fond za zaštitu okoliša Federacije BiH zvanično registrovan kao ustanova i započeo sa svojim radom tek po dobijanju Rješenja o registraciji od strane Općinskog suda u Sarajevu u februaru 2010. godine, iako je još 2005. godine imenovan prvi Upravni odbor. Kantonu Sarajevo su se prva sredstva počela doznačavati 2011. godine po osnovu utvrđenih naknada, a prosječan godišnji iznos doznačenih sredstava iz Federalnog fonda u Budžet Kantona je oko 2.3 miliona KM. Potreba za uspostavljanjem Kantonalnog fonda za zaštitu okoliša razmatrana je i ocjenjivana upravo imajući u vidu relativno skroman iznos namjenskih sredstava koja se na godišnjem nivou doznačavaju Kantonu Sarajevo, a u odnosu na troškove koji bi proistekli u funkciji obavljanja djelatnosti istog.

Pripadajuća namjenska sredstva direktno se raspoređuju na poziciji Ministarstva prostornog uređenja, građenja i zaštite okoliša prilikom izrade i donošenja Budžeta u različite svrhe, kao što su implementacija Plana upravljanja otpadom Kantona Sarajevo, monitoring i unaprijeđenje kvaliteta zraka, izrada prostorno-planskih i upravljačkih dokumenata za zaštićena prirodna područja, podrška za rad ekološkim udruženjima, projekte/programme iz oblasti zaštite okoliša, povećanje energijske efikasnosti u stambenim zgradama i objektima budžetskih korisnika i dr. Ova sredstva u Budžetu Kantona Sarajevo imaju posebnu naznaku da se radi o namjenskim sredstvima Federalnog fonda za zaštitu okoliša, bilo da su u pitanju tekući i/ili kapitalni transferi.

Zastupnici Skupštine Kantona Sarajevo usvajaju Budžet Kantona, kao i izvještaje o izvršenju budžeta, te izvještaje o radu Vlade Kantona, odnosno ministarstava u kojima se navodi na koji način se troše sva sredstva, uključujući i namjenska. S druge strane, Ministarstvo na zahtjev Fonda za zaštitu okoliša Federacije BiH dostavlja istom izvještaj o utrošku namjenskih sredstava za prethodnu godinu.

I Zakonom o Fondu za zaštitu okoliša FBiH definisana je generalna namjena korištenja sredstava, kao što je finansiranje planova, programa, projekata i sličnih aktivnosti utvrđenih u skladu sa Strategijom zaštite okoliša, planovima zaštite okoliša, te drugim okolinskim dokumentima. Istim Zakonom je utvrđeno, da se sredstva dodjeljuju na osnovu javnog konkursa, a isto tako je propisana i obaveza primjene načela da se raspoloživim sredstvima postigne najveća ukupna korist za okoliš. Budući, da Kanton Sarajevo dobija najveći dio sredstava iz naknada za korištenje motornih vozila za emisije u zrak, prioritarna obaveza je sredstva plasirati u projekte i programe usmjerene na poboljšanje kvaliteta zraka (napr. realizacija projekata povećanja energijske efikasnosti i sl.), tim prije što su problemi najizraženiji u ovoj oblasti.

Pošto se iz zastupničkog pitanja ne može utvrditi na koji se konkretno javni poziv za dodjelu grant bespovratnih sredstava misli, ističemo da je do danas Ministarstvo dio namjenskih sredstava za projekte/programme za zaštitu okoliša dodijeljivalo ili dodijeljuje na osnovu dvije vrste javnih poziva. Naime, u okviru pozicije u Budžetu pod nazivom "Projekti – programi - Fond za zaštitu okoliša" do danas su objavljena ukupno dva javna poziva (2012. i 2014. godine) za odabir korisnika ovih sredstava za projekte/programme iz oblasti zaštite okoliša. Kod ovog javnog poziva je karakteristično, da je Vlada Kantona Sarajevo prvobitno donosila odluke kojima se usvajaju Programi utrošaka raspoloživih sredstava utvrđenih u Budžetu Kantona za 2012. i 2014. godinu, sa kriterijima raspodjele. Pomenutim odlukama Vlade definisano je, da ministar prostornog uređenja i zaštite okoliša imenuje i razrješava Komisiju za pripremu i provođenje postupka za dodjelu namjenskih sredstava doznačenih iz Federalnog fonda za zaštitu okoliša u Budžet Kantona Sarajevo, koja razmatra projekte zaprimljene na osnovu javnog poziva, cijeni ispunjenost uslova i kriterija za odobravanje sredstava, te zapisnik s obrazloženom ocjenom i mišljenjem dostavlja ministru, koji donosi konačnu odluku. Inače, Javnim pozivom Ministarstvo je sufinansiralo projekte i programe na zaštiti zraka, upravljanju otpadom, zaštiti prirode, te programe, projekte i slične aktivnosti iz oblasti zaštite okoliša naučno – istraživačkih organizacija, visokoškolskih institucija i nevladinih organizacija. Odluku o odabiru korisnika sredstava Ministarstvo je zvanično slalo svim aplikantima, te je pružena mogućnost podnošenja prigovora kojim se moglo tražiti preispitivanje procedure u smislu eventualnih propusta u ocjeni prava podnosioca prijava od strane Komisije.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



S druge strane, na poziciji Ministarstva - "Podrška za rad ekološkim udruženjima - Fond za zaštitu okoliša", svake godine se u Budžetu Kantona Sarajevo izdvajaju namjenska sredstva u visini do 50.000 KM. Pomenutim sredstvima se finansiraju/sufinansiraju projekti neprofitnih organizacija i udruženja iz oblasti zaštite okoliša na osnovu javnog poziva, koji objavljuje Ministarstvo u skladu sa Zakonom o izvršavanju Budžeta Kantona Sarajevo za tekuću godinu i Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“ br. 33/11, 3/12 – Ispravka, 37/13, 16/14 i 6/17). Rezultati javnog poziva objavljuju se na web stranici ovog Ministarstva i u jednim dnevnim novinama.

S poštovanjem,



Dostaviti:

- ☞ Naslov
- Stručna služba Vlade Kantona Sarajevo, ovdje (na znanje)
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

